

Na osnovu člana 29. stav (1) Zakona o ustanovama („Službeni list RBiH“, broj: 6/92, 8/93 i 13/94), člana 7. stav (1) i 8. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 38., 40., 41. i 42. Pravila Javne ustanove Bosanski kulturni centar Kantona Sarajevo (broj: 354-01-1/19 od 05.04.2019. godine) i Odluke v.d. Upravnog odbora Javne ustanove Bosanski kulturni centar Kantona Sarajevo (broj: 04-2-705-2/20 od 28.07.2020. godine) v.d. Upravni odbor Javne ustanove Bosanski kulturni centar Kantona Sarajevo raspisuje:

J A V N I K O N K U R S
za izbor i imenovanje direktora
Javne ustanove „Bosanski kulturni centar Kantona Sarajevo“

I-Naziv, sjedište i internet adresa ustanove: Javna ustanova Bosanski kulturni centar Kantona Sarajevo, Branilaca Sarajeva br. 24, 71000 SARAJEVO, BiH, +387 33 586 777; info@bkc.ba; web:www.bkc.ba;

II-Opći uslovi za imenovanje:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine),
5. da nije osuđivan za krivično djelo i za privredni prestup nespojiv sa dužnošću direktora,
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (lice koje je na funkciji u političkoj stranci ne može biti konačno imenovano),
7. da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti FBiH;
8. da je zdravstveno sposoban za obavljanje dužnosti direktora.

III-Posebni uslovi za imenovanje:

1. da ima visoku stručnu spremu VII stepen ili završen drugi ili treći ciklus bolonjskog sistema studiranja, jedna od umjetničkih akademija ili fakultet društvenog smjera,
2. najmanje (5) pet godina radnog staža u struci nakon sticanja fakultetske diplome,
3. najmanje (3) tri godine radnog iskustva na poslovima iz oblasti kojom se bavi Javna ustanova,
4. poznavanje jednog stranog jezika,
5. predložen Program rada ustanove za mandatni period,
6. da se ističe organizacionim sposobnostima,
7. kandidat za direktora Javne ustanove dužan je uz prijavu na javni konkurs dostaviti dokaze o ispunjavanju opštih i posebnih uslova iz ovog člana.

IV-Opis poslova i radnih zadataka:

1. organizira i rukovodi radom JU BKC KS;
2. zastupa i predstavlja JU BKC KS pred trećim licima;

3. odgovoran je za zakonitosti rada JU BKC KS;
4. predlaže Upravnom odboru mjere za efikasno i zakonito obavljanje djelatnosti radi koji je JU BKC KS osnovan;
5. predlaže Upravnom odboru unutrašnju organizaciju i sistematizaciju poslova i osnovne plana razvoja JU BKC KS;
6. izvršava odluke Upravnog odbora;
7. odlučuje o pravima, obavezama i odgovornostima radnika iz radnog odnosa;
8. podnosi Upravnom odboru Izvještaj o finasijskom poslovanju;
9. naredbodavac je za izvršenje finasijskog plana i odgovoran je Upravnom odboru za rezultate rada i finasijskog poslovanja JU BKC KS;
10. vrši druge poslove u skladu sa zakonom i Pravilima JU BKC KS.

V-Period na koji se imenuje:

Mandatni period od četiri godine.

VI-Mjesto i vrijeme rada:

Javna ustanova Bosanski kulturni centar Kantona Sarajevo, Branilaca Sarajeva br. 24, 71000 SARAJEVO, BiH, radno vrijeme: 40 sati sedmično raspoređenih u pet radnih dana od ponedjeljka do petka.

VII-Rok za prijavu na javni oglas:

15 (petnaest) dana od dana objavljivanja u Službenim novinama Federacije Bosne i Hercegovine. Konkurs će biti objavljen u službenim novinama Federacije Bosne i Hercegovine, dnevnim novinama Dnevni avaz dana 29.07.2020.g., web stranici Ustanove (www.bkc.ba) i web stranici Ministarstva kulture i sporta Kantona Sarajevo.

VIII–Kontakt za davanje dodatnih objašnjenja: +387 33 586 777; info@bkc.ba

IX-Adresa na koju se podnose prijave: Prijave sa dokazima o ispunjavanju uslova iz konkursa slati preporučeno na adresu Javna ustanova „Bosanski kulturni centar Kantona Sarajevo“, Branilaca Sarajeva br. 24, 71000 SARAJEVO, BiH.

X-Dokumentacija koja se podnosi uz prijavu (u originalu ili ovjerenoj kopiji ne starijoj od 6 mjeseci):

Svojeručno potpisana prijava na javni konkurs sa kratkom biografijom, kontakt podacima i slijedećom dokumentacijom;

1. diploma o stečenoj stručnoj spremi ili akademskom zvanju;
2. uvjerenje o državljanstvu (ne starije od 6 (šest) mjeseci)
3. izvod iz matične knjige rođenih (ne starije od 6 (šest) mjeseci)
4. uvjerenje o ostvarenom radnom stažu sa šifrom zanimanja koje izdaje Fond za pismo ili potvrda o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao;
5. program rada za mandatni period;
6. izjava ovjerena kod nadležnog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta) u periodu od tri godine od dana prijavljivanja na javni konkurs;
7. izjava ovjerena kod nadležnog organa da se na tog kandidata ne odnosi član IX 1. Ustava Bosne i Hercegovine;

8. izjava ovjerena kod nadležnog organa da nije osuđivan za krivično djelo i za privredni prestup nespojiv sa obavljanjem dužnosti direktora;
9. izjava ovjerena kod nadležnog organa da nema privatni finansijski interes u Javnoj ustanovi u kojoj se kandiduje;
10. izjava ovjerena kod nadležnog organa da nije na funkciji u političkoj stranci u smislu odredbe člana 5. Zakona o ministarstvima, vladinim i drugim imenovanjima FBiH;
11. izjava ovjerena kod nadležnog organa da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti FBiH;
12. izjavu ovjerenu kod nadležnog organa da nije predsjednik ili član upravnog ili nadzornog odbora bilo koje ustanove, neovisno od oblasti za koju je ustanova osnovana, a koja djeluje u Bosni i Hercegovini, a ukoliko je član ili predsjednik upravnog ili nadzornog odbora priložit će ovjernu izjavu da će u slučaju imenovanja za direktora podnijeti ostavku na mjesto predsjednika ili člana upravnog odbora u ustanovi u kojoj je imenovan.

Po konačnosti odluke o imenovanju kandidata, imenovani kandidat je dužan dostaviti uvjerenje o zdravstvenoj sposobnosti, a ostali kandidati svoje dokumente mogu preuzeti lično u prostorijama JU BKC KS, Branilaca Sarajeva br. 24.

XI – Način predaje dokumentacije: Prijava sa dokumentacijom dostavlja se isključivo putem pošte preporučeno u zatvorenoj koverti sa naznakom: „ Prijava na Javni konkurs –NE OTVARAJ“.

NAPOMENA: Nepotpune i neblagovremene prijave neće se uzimati u razmatranje.

v.d. Predsjednik Upravnog odbora JU BKC KS

Samir Ismić